

Møteprotokoll

Utval: Jostedalsbreen nasjonalparkstyre

Møtestad: Rådhuset i Gaupne

Dato: 24.02.2020

Tidspunkt: 09:30 – 11:30 (synfaring ferdig kl 17:30)

Følgjande faste medlemmar møtte:

Namn	Funksjon	Representerer
Ivar Kvalen	Medlem	Luster kommune
Oddmund Klakegg	Medlem	Sunnfjord kommune
Vibeke Johnsen	Medlem	Sogndal kommune
Helge Stormoen	Medlem	Vestland Fylkeskommune

Følgjande medlemmar meldte forfall:

Namn	Funksjon	Representerer
Kari Synnøve Muri	Medlem	Stryn kommune
Mariel Eikeset Koren	Medlem	Gloppen kommune
Vidar Sandal	Varamedlem	Gloppen kommune

Følgjande varamedlemmar møtte:

Namn	Møtte for	Representerer
Sven Flo	Kari Synnøve Muri	Stryn kommune

Merknader

Etter styremøtet drog styret og administrasjonen til Jostedalen og gjekk på ski til Nigardsbreen. På synfaringa vart ulike tema knytt til reiseliv, tryggleik, lokalkunnskap, is- og landskapsendringar drøfta.

Frå administrasjonen møtte:

Namn	Stilling
Maria Knagenhjelm	Nasjonalparkforvaltar/sekretær
Tor Arne Hauge	Nasjonalparkforvaltar/sekretær
Anne Rudsengen	Statens naturoppsyn

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

_____ Ivar Kvalen _____

_____ Helge Stormoen _____

Saksliste

Utvals- saksnr	Innhald	Lukka	Arkiv- saksnr
ST 1/20	Godkjenning av innkalling og dagsorden		
ST 2/20	Jostedalsbreen nasjonalparkstyre - konstituering for perioden 2020 - 2023		2020/2302
ST 3/20	Val av styremedlem til å skrive under protokoll i lag med styreleiar		
ST 4/20	Orienterings- og drøftingssaker 1. Besøksstrategi - status 2. Forvaltningsplan - status 3. Skålastien - status 4. Møte med Stryn kommune om innfallsportar - 06.feb. 5. Møte med Loen utviklingslag - tiltak mot villcamping i Lodalen - 06.feb. 6. Driftsbudsjett 2020 - 7. Møtegodtgjersle/reiserekning/DFØ-app 8. Mediesaker sidan sist 9. Orientering frå Statens naturoppsyn 10. Status for sekretariatet		
ST 5/20	Jostedalsbreen nasjonalpark - Jostedalsbreen - ferdsel med snøscooter for radarmåling i JOSTICE-prosjektet - Høgskulen på Vestlandet		2020/2651
ST 6/20	Saksframlegg - Jostedalsbreen nasjonalpark - Store Supphellebreen - uttak av breis til formidling på Norsk Bremuseum - Liseter/Supphellen		2020/2988
ST 7/20	Jostedalsbreen NP - motorferdsel 2020-2023 - bruk av scooter i forbindelse med snømåling og vedlikehald av bruer - Glommens og Laagens Brukseierforening GLB		2019/22076
ST 8/20	Jostedalsbreen nasjonalpark - Briksdalsbreen - helikopterflyging i samband med innspeling av kortfilm - Visit Nordfjord		2020/2358
RS 1/20	Nytt medlem til rådgjevande utval frå Naturvernforbundet		2019/5041
RS 2/20	Arbeidsverkstad besøksstrategi i Fjærland		2019/3131
RS 3/20	Villreinnemnda for Reinheimen- Breheimen - Protokoll 2020 Sak 2-10 - vedtak om Skridulaupbu		2019/11386

ST 1/20 Godkjenning av innkalling og dagsorden

Saksprotokoll i Jostedalsbreen nasjonalparkstyre - 24.02.2020

Handsaming i møte

Ingen merknader til innkalling. Framlegg til å endre dagsorden slik at vedtakssakene vert teke fyrst.

Vedtak

Samrøystes vedteke.

ST 2/20 Jostedalsbreen nasjonalparkstyre - konstituering for perioden 2020 - 2023

Saksprotokoll i Jostedalsbreen nasjonalparkstyre - 24.02.2020

Handsaming i møte

Oddmund Klakegg føreslo attval av Ivar Kvalen som leiar av Jostedalsbreen nasjonalparkstyre for perioden 2020-2023.

Sven Flo føreslo Kari Synnøve Muri som nestleiar for Jostedalsbreen nasjonalparkstyre for perioden 2020-2023.

Styret var einige om å ikkje nemne opp arbeidsutval (AU), men vil ta ei ny vurdering i løpet av styreperioden dersom behovet for eit AU dukkar opp.

Vedtak

Jostedalsbreen nasjonalparkstyre vert med dette konstituert og vel følgjande blant styret sine faste medlem til leiar og nestleiar:

Leiar for Jostedalsbreen nasjonalparkstyre 2020-2023 er Ivar Kvalen.

Nestleiar for Jostedalsbreen nasjonalparkstyre 2020-2023 er Kari Synnøve Muri.

Valet av leiar og nestleiar for nasjonalparkstyret er gjort i medhald av reviderte vedtekter, gjeldande frå 1. januar 2020.

ST 3/20 Val av styremedlem til å skrive under protokoll i lag med styreleiar

Saksprotokoll i Jostedalsbreen nasjonalparkstyre - 24.02.2020

Handsaming i møte

Ivar Kvalen føreslo Helge Stormoen til å underskrive protokollen, i lag med styreleiar.

Vedtak

Samrøystes vedteke.

ST 4/20 Orienterings- og referatsaker

Saksprotokoll i Jostedalsbreen nasjonalparkstyre - 24.02.2020

Handsaming i møte

Styret drøfta sakene og tok dei til vitande.

- Måndagar er den prefererte møtedagen.
- Det vart bestemt at styremøte i juni vert lagt til måndag 15.juni.
- Det er mogeleg å kombinere nasjonalparkkonferansen i Trondheim med eit styremøte, der dei som ikkje er med til Trondheim kan delta på Skype.
- Oddmund Klakegg oppmoda kommunane om å invitere sekretariatet til dei enkelte kommunestyra for å orientere om verneområdet og alle tiltak/planar som er i gang.
- Det er viktig at styremedlem leverer krav om møtegodtgjersle/reiserekning etter kvart møte.
- Det blir endringar i sekretariatet, og nasjonalparkstyret var opptekne av at Fylkesmannen i Vestland sørger for at det kjem på plass ein vikar for Maria Knagenhjelm så snart som mogeleg.

ST 5/20 Jostedalsbreen nasjonalpark - Jostedalsbreen - ferdsel med snøscooter for radarmåling i JOSTICE-prosjektet - Høgskulen på Vestlandet

Saksprotokoll i Jostedalsbreen nasjonalparkstyre - 24.02.2020

Handsaming i møte

Styret meinte at det var viktig med god spreing av informasjon om prosjektet i førekant av den omsøkte aktiviteten.

Samrøystes vedteke i tråd med innstillinga.

Vedtak

Jostedalsbreen nasjonalparkstyre gir, med i heimel i punkt 4.3, tredje strekpunkt i verneforskrifta, løyve til Høgskulen på Vestlandet v/Mette Gillespie for motorisert ferdsle med snøscooter og landing med helikopter i Jostedalsbreen nasjonalpark i samband med innsamling av forskingsdata i JOSTICE-prosjektet.

Løyvet gjeld på følgjande vilkår:

1. Den motoriserte ferdsla skal avgrense seg til det som er strengt naudsynt, ta omsyn til dyreliv og folk på tur i området, og den skal gjennomførast mest mogeleg konsentrert i tid.
2. Løyvet gjeld for perioden 24. februar til og med 30. april 2020 og i perioden 1. januar til og med den 28. april 2021. Løyvet gjeld ikkje heilagdagane i påska.
3. Løyvet gjeld for tre lag à to scootere, altså maks seks snøscootere totalt, som skal følgje hovudlinjene i kartet vedlagt søknaden, jf. saksutgreiinga.
4. Totalramme for tal landingar med helikopter innanfor vernegrensa er sett til 50 over to år. Ramma skal dekke frakt tur/retur av seks snøscootere, forskingsutstyr, proviant og mannskap. Primær landingsplass er Steinmannen,

men dersom ein ikkje kjem seg fram med scooter over heile breen kan helikopteret lande med naudsynt utstyr sørvest for Bings gryte og nordaust for Lodalsbrekka for å fullføre datainnsamlinga.

5. Statens naturoppsyn v/ Anne Rudsengen eller nasjonalparkforvaltar skal varslast før flyging, og forvaltar kan utsette flyging i særleg uføresette tilfelle.
6. Jostedalsbreen nasjonalparkstyre skal ha skriftleg rapport i etterkant av feltarbeidet, og om de har gjort eventuelle observasjonar av dyr/spor/etc. undervegs.

Dersom vanskelege vêrtilhøve eller andre forhold tilseier at Løyvet treng utviding i tid, rom eller omfang, kan forvaltninga gjere dette med delegert mynde.

Løyvet gjeld for omsøkt aktivitet jf. verneforskrifta for Jostedalsbreen nasjonalpark. Søkjar er ansvarleg for å innhente løyve frå Luster, Sogndal, Gloppen, Sunnfjord og Stryn kommune, samt frå grunneigararar.

ST 6/20 Saksframlegg - Jostedalsbreen nasjonalpark - Store Supphellebreen - uttak av breis til formidling på Norsk Bremuseum - Liseter/Supphellen

Saksprotokoll i Jostedalsbreen nasjonalparkstyre - 24.02.2020

Handsaming i møte

Samrøystes vedteke i tråd med innstillinga.

Vedtak

Med heimel i naturmangfaldlova si § 48 gjev Jostedalsbreen nasjonalparkstyre med dette løyve til grunneigarane på gards- og bruksnummer 158/1 og 158/2, Liseter og Supphellen, for å kunne nytte motorisert ferdsle fram til den regenererte breen mellom Trollabyrgje og Buldrehamrane ved Store Supphellebreen med det føremål å nytte breisen til formidling på Norsk Bremuseum. Løyvet vert gitt på følgjande vilkår:

1. Løyvet har ei ramme på maksimalt fire turar innanfor vernegrensa med føremål å hente is som er restar etter isras frå brefallet.
2. Løyvet gjeld frå 24. februar 2020 og i fire år fram til 1. januar 2024.
3. Løyvet gjeld før kl 10.00 og etter kl 19.00 for å redusere talet på besøkjande som vert uroa av støy.
4. Den motoriserte ferdsla skal gå føre seg med traktor med skuffe langs elveleiet slik at det ikkje set varige spor på open barmark.
5. Den omsøkte aktiviteten skal vere varsam og ta omsyn til dyr, fugl med egg, reir og bo, til folk på besøk i området og skal ikkje øydelegge vegetasjon, tre eller kvartærgeologiske verneverdiar, jf. verneføremålet.
6. Løyvet til motorferdel og køyrebok skal vere med under transporten. Køyrebok skal fyllast ut før kvar tur og liggje i køyretøyet under turen saman med løyvet.
7. Køyrebok skal sendast nasjonalparkstyret innan 15. oktober kvart år.

Vi gjer merksam på at dette løyvet berre gjeld verneforskrifta for Jostedalsbreen nasjonalpark. Søkjar er sjølv ansvarleg for å innhente løyve etter anna lovverk frå Sogndal kommune.

ST 7/20 Jostedalsbreen NP - motorferdsel 2020-2023 - bruk av scooter i forbindelse med snømåling og vedlikehold av bruer - Glommens og Laagens Brukseierforening GLB

Saksprotokoll i Jostedalsbreen nasjonalparkstyre - 24.02.2020

Handsaming i møte

Samrøystes vedteke i tråd med innstillinga.

Vedtak

Jostedalsbreen nasjonalparkstyre gjev Glommens og Laagens Brukseierforening (GLB) løyve til bruk av snøskuter i Jostedalsbreen nasjonalpark, på ruta over Tystigbreen og gjennom Merradalsbotnen, i samband med snømålingar og vedlikehold av bruer i Breheimen nasjonalpark. Løyvet blir gjevne med heimel i §48 i naturmangfaldlova.

Følgjande vilkår gjeld for løyvet:

- Løyve til snøskuterkøyring frå Breheimen nasjonalparkstyre er henta inn.
- Glommens og Laagens Brukseierforening kan bruke eigen snøskuter under desse transportoppdraga. Løyvet gjeld for to køyretøy.
- Løyvet gjeld for :
 - Inntil 1 tur pr. år til snømålefelt i Rauddalen.
 - Inntil 3 turar pr. år i forbindelse med vedlikehold av bruene nord for Rauddalsvatnet. Bruk av snøskuter til snømåling Rauddalen skal kombinerast med transport for vedlikehold av bruene så langt det lar seg gjere.
- Løyvet gjeld i perioden 1. mars – 20. april i åra 2020, 2021, 2022 og 2023. Det kan unntaksvis køyrast i perioden 20. april – 30. april kvart år, men berre dersom det er heilt nødvendig for oppdraga. Da skal nasjonalparkforvaltarane for Breheimen og Jostedalsbreen ha beskjed om det i god tid før køyring.
- Godkjent rute til snømålingar i Jostedalsbreen nasjonalpark er:
 - Når det let seg gjere ut frå føre og tryggleik skal køyring inn i Rauddalen skje frå Rauddalsdammen i aust.
 - Dersom rute frå Rauddalsdammen ikkje er tygg skal val av rute skje i dialog med nasjonalparkforvaltar for Breheimen, Statens naturoppsyn Breheimen og feltpersonell frå GLB. Dette alternativet krev at GLB tek kontakt med nasjonalparkforvaltar i god tid før køyring skal skje.
 - Når omsyn til villrein og/eller tryggleik tilseier det kan det køyrast om Mårådalen og over til Merradalsbotnen i Jostedalsbreen nasjonalpark og ned Rauddalen.
- Køyring skal ikkje finne stad i påska (palmelaurdag - 2. påskedag) og på sundagar.
- Motorferdsla skal avgrensast til det som er strengt nødvendig. Køyring skal skje med aktsemd for å unngå skade og ulempe for naturmiljø og friluftsliv. Det må takast spesielt omsyn til villreinen og transporten skal vike frå køyreruta dersom det er villrein langs traseen.

- Restar av materialar og liknande etter vedlikehald av bruene skal transporterast ut av verneområdet.
- Motorferdsel skal meldast på SMS seinast dagen før til Statens naturoppsyn Breheimen (Øyvind Angard tlf: 917 33 365) og Statens naturoppsyn Jostedalsbreen (Anne Rudsengen tlf: 95 96 38 88).
- Løyvet til motorferdsel og køyrebok skal vere med under transporten. Køyrebok skal fyllast ut før kvar tur og liggje i køyretøyet under turen saman med løyvet.
- Køyrebok skal sendast Jostedalsbreen nasjonalparkstyre innan 1. juni kvart år.

Andre vilkår satt av Breheimen nasjonalparkstyre gjeld også Jostedalsbreen sitt område, då både start og mål på ruta er på den andre sida av vernegrensa.

Vi gjer oppmerksom på at dette løyvet berre gjeld i forhold til verneforskrifta for Jostedalsbreen nasjonalpark. Søkjar er sjølv ansvarleg for å innhente løyve etter anna lovverk frå Breheimen nasjonalparkstyre, kommunane og grunneigar. Vedtaket kan klagast inn for Miljødirektoratet av ein part eller andre med rettsleg klageinteresse, jf. forvaltningslova § 28. Frist for klage er tre veker frå vedtaket er motteke. Ei eventuell klage stilast til Miljødirektoratet, men sendast til Jostedalsbreen nasjonalparkstyre.

ST 8/20 Jostedalsbreen nasjonalpark - Briksdalsbreen - helikopterflyging i samband med innspeling av kortfilm - Visit Nordfjord

Saksprotokoll i Jostedalsbreen nasjonalparkstyre - 24.02.2020

Handsaming i styret

Forvaltar informerte om telefonsamtale med reiselivssjef Marita Lindvik i Visit Nordfjord 21.02.2020 og e-post frå Visit Nordfjord datert same dag. På grunn av vanskar med gjennomføring av filming i omsøkt periode 06.-08.april 2020, bed Visit Nordfjord om å få endra søknaden til å gjelde perioden 20.-29.april. Det er presisert at søknaden framleis gjeld fire flygingar på ein dag. Løyve i ein lengre periode vil gje større handlingsrom for å finne ein dag med høveleg vertilhøve for flyging og filming.

Styret drøfta saka. Fleire gav uttrykk for at saka var i grenseland, og at det var viktig å vise til vurderingar gjort i saksutgreiinga i vedtaket. Dette for å tydeleggjere vurderingane som ligg til grunn for at løyve vert gjeve til akkurat denne søknaden. Det var og semje om å unngå flyging laurdag og sundag.

Styret vedtok samrøystes innstillinga med ovannemnde endringar.

Vedtak

Jostedalsbreen nasjonalparkstyre gjev etter den generelle dispensasjonsregelen § 48 i naturmangfaldlova løyve til Visit Nordfjord for motorferdsel i samband med produksjon av kortfilm med fjellpioneren Kristian Bing som gjennomgangstema. Løyvet gjeld på følgjande vilkår og det vert vist til vurderingar i saksutgreiinga:

- Løyve til helikopterflyging gjeld for ein dag. Transporten omfattar 4 turar frå Briksdalen til Brenndalsnibba.
- Flyginga skal skje i perioden 20.-29.april 2020.
- All flyging skal skje i løpet av ein dag.
- Flyginga skal ikkje skje laurdag eller sundag.
- Helikopter skal berre nyttast til transport, ikkje til filming frå lufta.
- Helikopter skal ikkje synleggjerast på filmen.
- Flyginga med helikopter skal ta omsyn til andre brukarar og naturmiljøet.
- Statens naturoppsyn v/Anne Rudsengen (tlf. 959 63 888) eller underteikna skal ha melding seinast dagen før transporten skal gjennomførast.
- Jostedalsbreen nasjonalparkstyre skal ha skriftleg tilbakemelding innan 1.juni om gjennomført flyging.

Løyvet gjeld berre i høve verneforskrifta til Jostedalsbreen nasjonalpark. I tillegg krevst handsaming av Stryn kommune som mynde etter motorferdsellova. Vidare gjeld motorferdsellova § 10, som føreset samtykke frå grunneigar.

RS 1/20 Nytt medlem til rådgjevande utval frå Naturvernforbundet

RS 2/20 Arbeidsverkstad besøksstrategi i Fjærland

RS 3/20 Villreinnemnda for Reinheimen- Breheimen - Protokoll 2020 Sak 2-10 - vedtak om Skridulaupbu